



Босна и Херцеговина
Агенција за идентификациона
документа евиденцију
и размјену података



Bosna i Hercegovina
Agencija za identifikacijske/identifikacione
isprave/dokumente, evidenciju
i razmjenu podataka

Broj: 15-03-16-5-58-38/20

Datum: 30.10.2020. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav 1. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U o izboru najpovoljnijeg ponuđača

Član 1.

Najpovoljniji ponuđač u postupku javne nabavke pripremnih, zemljanih, armiranobetonskih i hidroizolacionih radova do kote 0,00, koji predstavljaju I fazu izgradnje zgrade za smještaj sjedišta i organizacionih jedinica Agencije, objavljenom na *web* portalu Agencije za javne nabavke Bosne i Hercegovine, broj Obavještenja o nabavci 1110-1-3-58-3-74/20 od 28.9.2020. godine, za koju je primijenjen otvoreni postupak, je **ENIKON-GRADNJA d.o.o. Zvornik**.

Član 2.

Ova odluka će se dostaviti ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom donošenja.

O b r a z l o ž e n j e

Na osnovu provedenog postupka nabavke, Komisija za provođenje postupka javne nabavke (u daljem tekstu: Komisija) je konstatovala je da je rok za dostavljanje ponuda 26.10.2020. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle četiri (4) ponude i to ponuđača: PRIJEDORPUTEVI a.d. Prijedor, ENIKON-GRADNJA d.o.o. Zvornik, TIGAR d.o.o. Doboj i STRUKTURA d.o.o. Jajce. Neblagovremenih ponuda nije bilo.

Prema specifikaciji navedenoj u Tenderskoj dokumentaciji, a nakon provedenog postupka analize i ocjene ponuda Komisija je izradila Zapisnik o pregledu i ocjeni ponuda, a u kojem su detaljno obrazloženi razlozi za izbor najpovoljnijeg ponuđača.



Zapisnički je utvrđeno da su ponude ponuđača PRIJEDORPUTEVI a.d. Prijedor, TIGAR d.o.o. Doboj i STRUKTURA d.o.o. Jajce nekvalifikovane, te nisu bile predmet daljeg razmatranja.

Komisija je ocijenila da je ponuđač PRIJEDORPUTEVI a.d. Prijedor nije dostavio dokaze propisane tačkom 6.5.1. pod b) Tenderske dokumentacije, odnosno „*dokaz o uredno izvršenim ugovorima u formi spiska izvršenih ugovora, s tim da je iznos izvršenog ugovora ili zbirni iznos svih izvršenih ugovora minimalno 1.500.000,00 KM (milionpetstotinahiljada KM) bez PDV-a, a u kojem su predmet nabavke zemljani i armiranobetonski radovi iz oblasti visokogradnje, u posljednje tri (3) godine ili od datuma registracije, odnosno početka poslovanja, ako je ponuđač registrovan, odnosno počeo sa radom prije manje od tri (3) godine. Uz spisak izvršenih ugovora mora se dostaviti minimalno jedna (1) potvrda sa iznosom minimalno 1.500.000,00 KM, ili više potvrda koje daje druga ugovorna strana o njihovoj realizaciji, tako da je njihov zbirni iznos minimalno 1.500.000,00 KM bez PDV-a.*“ Naime, ovaj ponuđač je u svojoj ponudi na stranama 81.-88. dostavio potvrde kojima ne dokazuje da je u posljednje tri (3) godine, izvršio radove u kojima su predmet nabavke zemljani i armiranobetonski radovi iz oblasti visokogradnje tako da je iznos izvršenog ugovora ili zbirni iznos izvršenih ugovora minimalno 1.500.000,00 KM. Iz dostavljenih potvrda nije moguće utvrditi vrijednost radova u kojima su predmet nabavke zemljani i armiranobetonski radovi iz oblasti visokogradnje, već se može utvrditi samo ukupna vrijednost izgrađenih objekata, radova na sanaciji i dogradnji objekata i rekonstrukciji objekata pri čemu nije moguće utvrditi da je navedeni ponuđač uopšte radio zemljane i armiranobetonske radove na tim objektima i u kojoj vrijednosti. Zbog navedenog ponuda ovog ponuđača je ocijenjena nepotpunom i da ne ispunjava zahtjeve iz tenderske dokumentacije.

Komisija je takođe konstatovala da ponuda navedenog ponuđača nije ni prihvatljiva zato što je vrijednost ponude iznad procijenjene vrijednosti nabavke.

Komisija je, dalje, cijenila da ponuđač „TIGAR“ d.o.o. Doboj nije dostavio dokaze propisane tačkom 6.5.1. pod b) Tenderske dokumentacije, odnosno „*dokaz o uredno izvršenim ugovorima u formi spiska izvršenih ugovora, s tim da je iznos izvršenog ugovora ili zbirni iznos svih izvršenih ugovora minimalno 1.500.000,00 KM (milionpetstotinahiljada KM) bez PDV-a, a u kojem su predmet nabavke zemljani i armiranobetonski radovi iz oblasti visokogradnje, u posljednje tri (3) godine ili od datuma registracije, odnosno početka poslovanja, ako je ponuđač registrovan, odnosno počeo sa radom prije manje od tri (3) godine. Uz spisak izvršenih ugovora mora se dostaviti minimalno jedna (1) potvrda sa iznosom minimalno 1.500.000,00 KM, ili više potvrda koje daje druga ugovorna strana o njihovoj realizaciji, tako da je njihov zbirni iznos minimalno 1.500.000,00 KM bez PDV-a.*“ Naime, ovaj ponuđač je u svojoj ponudi na stranama 78-86. dostavio potvrde kojima ne dokazuje da je u posljednje tri (3) godine, izvršio radove u kojima su predmet nabavke zemljani i armiranobetonski radovi iz oblasti visokogradnje tako da je iznos izvršenog ugovora ili zbirni iznos izvršenih ugovora minimalno 1.500.000,00 KM. Iz dostavljenih potvrda nije moguće utvrditi vrijednost radova u kojima su predmet nabavke zemljani i armiranobetonski radovi iz oblasti visokogradnje, već se može utvrditi samo ukupna vrijednost izgrađenih objekata, pri čemu nije moguće utvrditi da je navedeni ponuđač uopšte radio zemljane i armiranobetonske radove na tim objektima i u kojoj vrijednosti. Zbog navedenog ponuda ovog ponuđača je ocijenjena nepotpunom i da ne ispunjava zahtjeve iz tenderske dokumentacije.

Komisija je ocjenjujući ponudu ponuđača „STRUKTURA“ d.o.o. Jajce konstatovala da isti nije dostavio dokaze propisane tačkom 6.5.1. pod b) Tenderske dokumentacije, odnosno „*dokaz o uredno izvršenim ugovorima u formi spiska izvršenih ugovora, s tim da je iznos izvršenog ugovora ili zbirni iznos svih izvršenih ugovora minimalno 1.500.000,00 KM (milionpetstotinahiljada KM) bez PDV-a, a u kojem su predmet nabavke zemljani i armiranobetonski radovi iz oblasti visokogradnje, u posljednje tri (3) godine ili od datuma*

registracije, odnosno početka poslovanja, ako je ponuđač registrovan, odnosno počeo sa radom prije manje od tri (3) godine. Uz spisak izvršenih ugovora mora se dostaviti minimalno jedna (1) potvrda sa iznosom minimalno 1.500.000,00 KM, ili više potvrda koje daje druga ugovorna strana o njihovoj realizaciji, tako da je njihov zbirni iznos minimalno 1.500.000,00 KM bez PDV-a.“

Naime, ovaj ponuđač je u svojoj ponudi na stranama 60-63. dostavio potvrde kojima ne dokazuje da je u posljednje tri (3) godine izvršio radove u kojima su predmet nabavke zemljani i armiranobetonski radovi iz oblasti visokogradnje tako da je iznos izvršenog ugovora ili zbirni iznos izvršenih ugovora minimalno 1.500.000,00 KM. Iz dostavljenih potvrda nije moguće utvrditi vrijednost radova u kojima su predmet nabavke zemljani i armiranobetonski radovi iz oblasti visokogradnje, već se može utvrditi samo ukupna vrijednost izgrađenih objekata. Iz priložene potvrde na strani ponude broj 61 izdate od RPB d.o.o. Vogošća, od 20.10.2020. godine, vidljivo je da je ponuđač izvodio „radove izrade pripremno-zemljanih radova na uređenju prostora, izvođenje nove temeljne konstrukcije i armiranobetonskih radova na izgradnji nosive konstrukcije novog objekta katnosti P+3 ukupne vrijednosti ugovorenih radova na objektu od 784.822,50 KM sa PDV-om,“ ali se iz iste ne može utvrditi vrijednost radova koji se odnose na zemljane i armiranobetonske radove iz oblasti visokogradnje.

Zbog navedenog ponuda ovog ponuđača je ocijenjena nepotpunom i da ne ispunjava zahtjeve iz tenderske dokumentacije.

Komisija je takođe konstatovala da ponuda navedenog ponuđača nije ni prihvatljiva zato što je vrijednost ponude iznad procijenjene vrijednosti nabavke.

Analizom ponuda i primjenom kriterijuma najniže cijene, Komisija je utvrdila da je jedina kvalifikovana ponuda i prihvatljiva ponuda ponuđača ENIKON-GRADNJA d.o.o. Zvornik, sa ukupnom cijenom od **1.535.215,80 KM bez PDV-a**, odnosno **1.796.202,48 KM sa PDV-om**, te s obzirom da ista u ekonomskom i tehničkom smislu u potpunosti zadovoljava zahtjeve Agencije data je preporuka da se donese odluka o izboru ovog ponuđača za najpovoljnijeg.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a što se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

